

von Wulf Wager

## Silikon-Millionär



Wemmr en Äpfel oder a Birn lie-ga lässt, no beginnt dr normale Alterungsprozess ond aus dene Früchte werdat Hutzla. Dia Haut wird ronzlig ond enna drenn wird's lommelig.

Genau so isch des au bei de Menscha. Je älter dia werdat, desto ronzliger ond faltareicher wird d' Haut ond so manches wird au lommeliger. Die Ondr-seit' von de Frauaoberärm zom Beispiel...

Jetzt hend amerikanischer Forscher (wer au sonscht) a zwoite Haut erfonda, die mr en ra dünna Schicht uf die alt, ronzlig Haut aufträgt. So vrschwendat wia von Zauberhand alle Falta ond Ronzla. Aus Silikon-Ploymeren, also aus ma Kunschtstoff, isch dia Zweithaut hergstellt. Des Gefühl, wenn Du dia Haut auf em Ranza hosch, isch wia wenn Du a Ganzkörperpräservativ trächsch. Au beim Joga oder Duscha goht di Haut et weg. Do muaß mr sich obends häuta wia noch ma Sonnabrand oder die Plaschtikhülle abziaha wia a Pflaschter. Wahrscheinlich isch mr no au glei nethoort.

Also, i han sofort a Marktlücke entdeckt: I entwickle so a Art Wascha'lag, wo Frau a naggich neistandat (Männer standat jo zu ihre Falta) ond mit dem Silikon a'gsprüht werdat. Oi Behandlung mit derra Silikon-Zweithaut koschtet 30,- Euronen. Was glaubat 'r, wia schnell i Milliardär wär.

Bis nэгgschd Woch'

Ihr

Wulf Wager